

ԱԶԳԱՅԻՆ ՎԷՊ

Մ. ԱՔԵՂԵԱՆԻ

(Շաղուենակութիւն և վերջ ¹⁾)

«Սասունցի Դաւիթ» կամ «Մհերի դուռ», Կ. Պօլիս, 1874, եւ «Դաւիթ եւ Մհեր», Շուշի, 1889, ժողովրդական պատումներն իբրեւ կէս-պատմական եւ կէս-ղիւցազնական հին վէպ:

ԺԴ.

Ամեն դիւցազնական արարք պսակւում է արժանաւոր ամուսնութեամբ, որ դիւցազների վարձատրութիւնն է: Մեր հէքիաթների մէջ հերոսները հեռու աշխարհներ են ման գալիս, աշխարհքի լալնքն ու երկալնքը չափում, դեռ վիշապի հետ կռւում, զանազան կտրճութիւն և հանճարեղութիւն ցոյց տալիս, բալց վերջ ի վերջոյ նրանք գալիս մի կէտի վերայ հանգչում են.—գա հաւանած և արժանի ու գեղեցիկ աղջկա, հետ ամուսնութիւնն է: Դաւիթն արդէն հռչակաւոր դիւցազն է. նրան իսպէտք է կեանքի ընկեր, որ, հարկաւ, չէ կարող մի հասարակ աղջիկ լինել. դիւցազնին պէտք է դիւցազնուհի կին, Ալդպիսի կանաչք երկուսը կան վէպի մէջ՝ Չմշկիկ-Սուլթան (տիրուհի) և Խանգուլթ խաթուն (տիկին, բամբիշ), բացի դրանցից և Գոհար խաթուն Մհերի վէպի մէջ (թողնում ենք երկրորդական դեր խաղացող կանաչքը):

Ժողովրդական վէպի դիւցազնական կանանց տիպերը որոշւում են իրանց մեծավալելուչ բնաւորութեամբ. նրանք, ինչպէս դիւցազները, քաջամարտիկ են, քաջամարտ են զինաչարժութեան և ձիավարութեան մէջ: Շատ անգամ նրանք հանդիսանում են իրրեւ ազատ տիրուհիներ մի գաւառի կամ մի քաղաքի և ձիու վերայ նստած, զինաւորւած շրջում են իրանց երկրի սահմանն ու սահմանից

1) Տե՛ս «Մուրճ»-ի 1889 թ. № 10, 11 և 1890 թ. № 1

դուրս, կուտում են թէ դիւցազներին և թէ ալ հրէշներին դէմ, և դաշտի մէջ զարնում են իրանց վրանները, կամ շինած ունին իրանց ապարանքները (քօշկ ու սարապները), որոնց մէջ հանդստանում են պատերազմական սրկապորոժութիւններից, և ալդտեղ, շրջապատող բուրավտ պարտէզների օդով արբեցած, անձուկ են քաշում իրանց արժանի դիւցազնի սիրու կաթոտով: Նրբեմն նրանք գեղեցիկ են ինչպէս հրեղէն աղջիկները, և իրանք ևս հրեղէն, ալսինքն գերբնական էակ են, քնքուշ և հրապուրիչ: Բայց իրանց կուսական հպարտութեան մէջ իրանց համար ալք են ճանաչում միայն նրան, որ իրանց չաղթում է մենամարտութեան մէջ և իրանցից ուժով գերազանց է լինում, իսկ իրանցից թուլերին արհամարհելով արհամարհում են և շատ անգամ նոյն իսկ անխնայ կոտորում են աղալիսիներին: Մեծ մասամբ նրանք հաւատարիմ են ամուսնական սիրուն և պատրաստ են իրանց ալքերի համար զոհել ամենալն բան և նոյն իսկ իրանց կեանքն ևս զոհում են նրանց: Իրանց ամուսնական հաւատարմութեան մէջ և՛ սաստիկ խանդոտ են և՛ վրէժխնգիր իրանց անհաւատարիմ ամուսիններին: Մահու չափ կուռղ են իրանց անձնական պատիւը պաշտպանելու համար, և շատ անգամ ևս չաջողում է նրանց վրէժ առնել իրանց խաբողներից: Նրբեմն նրանք դիւցազների ֆիզիքական անչափ ուժի հետ օժտւած են և խօսքի կախարդական ուժով, նախառեխութեան և իմաստութեան շնորհքով, որ վէպերի մէջ մեծ մասամբ կանանց է միայն վերապահւում: Սակալն ալսպիսի դիւցազնական լատկութիւններով փալլում են միայն դեռ ևս ալք չը ճանաչող կոյսերը: Մարդու գնալուց լստով լաճախ նրանք կորցնում են իրանց գերբնական ուժերը և դառնում են հասարակ մահկանացուներ:—Կանացի բնաւորութեան ալսպիսի աղնիւ և ազատ տիպերը ստեղծւած պիտի լինին ալն ժամանակ, երբ որ մահմեդական ցեղերի ալքեցութիւնը դեռ ևս չէ հղել հալոց ընտանեկան կեանքի և մեր կանանց վիճակի վերալ, երբ որ կանանց բանտարկեալի պէս չէին փակում տան մէջ՝ նրանց պատիւն ազատ պահելու համար:

Չմշկիկ-Սուլթանը, որ մի ալսպիսի դիւցազնական կին է և «շատ գեօղալ փահլան», ալքում է Դաւթի հետ ամուսնանալու փափագով: Չենով-Յովանն, իբրև տան նահապետ, արդէն նրան ուղել էր Դաւթի համար. բայց Դաւթի սիրտը Չմշկիկ-Սուլթանից աւելի գեղեցկին և կտրճին էր ուղում, ալնպիսուն, որ իրանից շատ ոտոր չը լինէր քաջութեամբ: Աղջկինը խանդութիւն խաթունն է՝ որի գուսանական գոլքից միայն Դաւթը սիրահարւում է նորա վերալ, որովհետև նա դարձան ձեան պէս սպիտակ է, բամբակի պէս կակուղ ու քնքուշ է, նորա ունքերը զալամով քաշած են, աչքերը չինու կթխաներ են, իսկ ճակատի լալնութիւնը «նթ ակում է, տեղ մէկ չաւել է»: Ջարմանալի չէ, որ մեր ժողովուրդը կնոջ գեղեցկութեան համար ճակատի լալնութեանն ալդալիսի մեծ նշանակութիւն է տալիս, բայց ճակատի ալդ լալնութիւնը միանգամայն և վկայում է խանդութիւն:

խաթունի չափազանց չաղթանդամութեան և զօրեղութեան մասին, և ճշմարիտ, խանդութ խաթունը հասարակ կրն չէ. Զէնով-Յովանն անգամ գիտէ, որ քառասուն փահլեան եօթ տարի նորա դուանը նստած են, բայց խանդութ խաթունը նրանցից ոչ մէկին հաւանութիւն չէ տալիս և իրան արժանի չէ համարում. Լուսի մէջ նա միայն Դաւթից է չետ մնում և նրանից չաղթելուց չետոյ միայն համաձայնում է նրան կրն լինել, Ալապխի մի դիւցազնունհի կին, որ գուշակութիւն անելու իմաստութիւն ևս ունէր, կը ցանկանար, հարկաւ, իրան արժանաւոր մէկին ամուսին ունենալ, և խանդութ խաթունը, դեռ Դաւթին չը տեսած, նորա քաջագործութիւնները համբաւը միայն լսելով, սիրում է Դաւթին, ինչպէս Շահնամէի մէջ Թեմինան Ռուստամին, և մինչև անգամ ինքն երկու գուսանէ ուղարկում, որ իւր գովքն անելով հրապուրեն Դաւթին, որ գալ իրան առնի, և Դաւթը գնում է գուսաններէ զրդւած:

Գուսանների մասին խօսք բացելով, պէտք է նկատել, որ ինչքան ժողովրդական վէպը կենդանի և նախնական է, ալեքան աւելի, նկատելի է նորա մէջ գործող անձերի կապը վէպի երաժշտական և երգեցողական կատարման հետ: Յունաց քերթածների (ΠΟΘΗΑ) մէջ շատ անգամ բնմ են դուրս գալիս երգիչ ռապսոդներ, որոնք սփռում են ժողովրդին տրուական պատերազմի մասին երգելով. շատ անգամ հերոսներն իրանք և՛ երգիչ և՛ երաժիշտ են: Հալոց ազգալին վէպը, թէպէտ շատ երկար դարեր է ապրել ժողովրդի բերանում այն ժամանակից, երբ որ դեռ ևս նոր էր ստեղծագործւել,—դեռ ևս ալի երգեցողական և երաժշտական արւեստի նկատմամբ չէ կորցրել բոլորովին իւր նախնականութիւնը. վէպի գործողութեան մեծ մասը թէպէտ և պատմում է, բայց փոքր մասն ևս մինչև ալժմ երգւում է. միւս կողմից ազգալին վէպի մէջ, ինչպէս իւլիականի և Ուլիսականի մէջ, դուրս են գալիս և երգիչ-երաժիշտ գործող անձեր, ինչպէս Մարալ կանայք, որոնք երգելով ճանապարհ են դնում խօլքաշուն դէպի Սասուն, և երգելով ընդունում են նրան. ինչպէս վերուիշեալ գուսանները, որոնք իրանց երգով և երաժշտութեամբ շատ էլ երկորդական դեր չեն կատարում Դաւթի և խանդութ տիկնոջ սիրու մէջ. Վէպի հերոսներից երգիչ (ոչ երաժիշտ) են դուրս գալիս և Զէնով-Յովանը, խանդութ տիկնոյ, Մհերը, որոնք իրանց գործերի մի մասը, առաւելապէս սրտի զգացմունքները երգով են արտայայտում: Ամենամեծ երգիչ է վէպի մէջ և Դաւթը, որին պատկանում է վէպի երգերի մեծ մասը: Յատուկ հրգեցողութեան և երաժշտութեան շնորհ պէտք է ունեցած լինի և Դաւթի եղբայրը (ըստ հ. Սրուանձտեանի վարիանտի) Խոր-Գուսանը, որի անունն իսկ ցոյց է տալիս, որ նշանաւոր գուսան պէտք է եղած լինի. բայց Խոր-Գուսանի մասին երկու վարիանտի մէջ մի առանձին բան չը կա պատմած: Երգիչ է դուրս գալիս և մինչև անգամ լուռ ու մունջ և խստաբարոյ Համտօլը, խանդութ տիկնոջ դռնապանը, Համտօլը քառասուն տարի

դռնապանութիւն է արել և, իւր տիրուհու արժանաւոր ծառան լինելով, արհամարհել է ամէն մի փաշլեանի և նրանց հետ ոչ միայն խօսք չէ փոխանակել, այլ և նրանց բարեւը չէ առել. բաց նա, Դաւթին տեսնելով, վախենում է նրանից, և ոչ միայն բարեւն է առնում, այլ և լեզուն բացում է և երգում է. թէպէտ Դաւթին ևս, որ գաղանձերից ու դեերից չէր վախեցել, Համաթից վախենում է և իւր կեանքի մէջ առաջին անգամ բարեւ նրան է տալիս:

Թէպէտև Խանգութ խաթունը տոչորում էր Դաւթի սիրով, բաց իւր զգաստութեամբ թող չէ տալիս Դաւթին համբուր առնել իրանից. նա բռնցքի մի հարւածով արիւնջուր է դուրս հանում Դաւթի բերնից, և իւր կանացի փառասիրութեամբ ցանկանում է, որ քաջագործութեամբ աշուանի Դաւիթը չատկապէս իրան համար իւր քաջութիւնը ցոյց տալ և իրան բերէ մի քանի չափնի փաշլեանների գլուխը, որոնք իւր Խանգութ խաթունի ձեռքն ուղում էին և, ինչպէս երևում է, ձանձրացրել էին նրան, ոչ այնքան իրանց քաջութեան և մարմնական զօրութեան պակասութեամբ, որովհետև Դաւթին անգամ կասկածում է. որ նրանք իւր վերալ «զօռ» լինին,—որքան իրանց արտաքինով և ոչ մարդկալին բնաւորութեամբ, որովհետև նրանք շատ աւելի հին ժամանակի սերնդի են վերաբերում, քան թէ Խանգութ տիկնոջ ժամանակն է: Այդ փաշլեաններից «Շրբըզան-Խորասականի վերին ունք էնքան էր կախուի, որ էկիր էր հասն վըր սրտին, ու չանգալով կապեր էր ու զարկե ետևանց վըր պառնեկին, էն մէկէլ լօռալ Հըմզալ փաշլիվանի ներքևի մուռթ զգետին կ'աւլէր ու կերթէր»: Դաւիթը մի օր ամբողջ, առաւօտից մինչև երեկոյ, լախտով ու նետուաղեղով կուռում է այդ փաշլեանների հետ և հազիւ կարողանում է երկուսին էլ չաղթել. նա «զերկուսի գլուխն լէ կտրեց, ու զերկուսի բըշամ (մաղբը) լէ կապեց լիւրար ու խուրջիւնի աւա (նման) թաւեց (ձգեց) վըր թարքին. ու ընդունց լեզուն կախուած՝ զգետին գութնի ալօսի աւա կը վարէր»: Սոյն եղանակով վարում է և ուսսաց վէպի մէջ Իլիա Մուրոմեց հսկան Սոլովէյ Ռադբոյնիկի հետ, որի լեզուն նույնպէս ձիու դաւակից կախ ընկած վարում է գետինը:

Շրբըզան-Խորասական և լօռալ Հըմզալ փաշլեանները ներկայանում են իբրև առասպելական հրէշ-տիտաններ, թերևս աւելի աւագ քան թէ Մարամիլքն և դեերը, որոնք իրանց խօշականութեամբ հանդերձ ալդպիսի անճոռնի ցուցանք չեն ներկայանում վէպի մէջ, որովհետև ժողովրդական վէպի մէջ հսկան, որքան աւելի հին և սկզբնական ժամանակի էակ է, հետագայ ժամանակում այնքան աւելի գերբնական, կամ լաւ ասած, անբնական հրէշաւոր պատկերով և աւելի զօրաւոր է դուրս գալիս. Դաւիթը, որ-որչա մի բանից վախեցել չէ և ստատ է իւր ուժի վերալ, թէպէտ չէ վախենում դրանցից, բաց մի բոպէ կասկածում է նրանց չաղթելուց, Սակալն ինչպէս հնութեան բոլոր առասպելական

(միթական) զարհուրելի հրէշներն ու տիտանները տեղի են տալիս մարդկային համակրական դիւցազներին, ալդպէս և ալդ փաշլեանները երկիւղ են տանում և լաղթում են Դաւթից, որովհետեւ սա «Արգօլի (Ս. Սարգսի) ճորտերուցն է», ծառաներիցն է։ Իսկ Ս. Սարգիսը, ինչպէս մի անգամ նկատեցինք, անունով քրիստոնէական սուրբ է, որ փոխանակած է մի հին, հեթանոսական աստուծու, բայց ժամանակով աւելի հետագայ աստուծու, քան թէ տարերարան տիտաններն են, որոնք պարտութիւն են կրում իրանց ծառաներից, ինչպէս լուծաց տիտաններն Արամազդից։—Խանդուկ տիկնոջ դռնապան Համսօլն ևս իւր երկար պառկով մօտենում է ալս փաշլեանների կարգին, ուստի և Դաւիթը նրանից ես վախենում է։

ԺԵ.

Մեր վարիանտով Խանդուկ խաթունը հարկ չէ համարում փաշլեանների գլուխն ուղեւում, քանի որ նա գիտէր թէ ինչպէս Դաւիթը փաշլեանների իւր դէմ լարած դաւաճանութիւնն ի դերն էր հանել և նրանց թրերը բոլորը ծնկին խփելով կոտրատել էր.—Դաւիթն ինքն է ցանկանում, որ աւելի լինի իւր նշանածի առաջ և իւր նշանածի համար մի քաջութեան ծառաութիւն ցոյց տալու, մանաւանդ որ նշանածը, ըստ քրիստոնէական ամօթով էր թողել իրան, Դաւիթը խնդիրքով գիմում է Աստուծուն. և աստուածային զօրութիւնը, որ Դաւիթի շատ աղաչանքներին լսել էր, նորա ալս խնդիրքն էլ կատարում է։ Թշնամիները պաշարում են Խանդուկ խաթունի քաղաքը. ով պիտի կուր թշնամիների դէմ.—Դաւիթն է միայն կուռում և ջարդում թշնամիներին։ Այստեղ հանգէս է գալիս մի նոր դիւցազնական պալծառ անձնաւորութիւն, մի և նոյն Աբալուկի զիւանական շառաւիղը, Յուան-Վէրգուլի որդի Պարոն-Աստղիկը, որին թշնամիները խաբելով Դաւիթի դէմ կուր են հանում։ Պարոն-Աստղիկի պարոն մակդիրը վկայում է, որ խաչակիրների ժամանակի աղբացութեան տակ է աւելացած, իսկ Աստղիկ անունը հեթանոսական հնութիւն է ցոյց տալիս։ Պարոն-Աստղիկն իւր թեւաւոր հրեղէնի վերալ նստած՝ ֆրֆուում է Դաւիթի գլխին և կրակ է թափում նորա վերալ, առանց ճանաչիլու նրան։ Երկու թրեր՝ Հաւլունին և Կալծակին, իրար են հանդիպել մի և նոյն ցեղից երկու հսկաների ձեռքին, և կալծակներ են թափում. «Թրէ շառաւիղը» օրը ցերեկով անգամ խփում է Խանդուկ խաթունի դուռ, պատուհան, ու երդիկ փակած սենեակին, և Խանդուկ խաթունը, հակառակ իւր խոստման, կանացի հետաքրքրութեամբ չէ գիմանում, պատուհանը բանում է և ահ ու սարսափով հանդիսատես է լինում դիւցազնական կուրին, որի մէջ Դաւիթը, չը ցանկանալով մնասել Պարոն-Աստղիկին, պատուաւոր դիրք չ'ունէր։ Բայց, աւանդ, դիւցազնին էլ կնոջ հաճութեամբ փափաղը լաղթում է, և երիտասարդ ու անփորձ հսկալ Պարոն-Աստղիկը, որ, ներքին դիւցազնա-

կան ուժից դրդւած, արկածների ետեից էր ընկել, գետին է տապալուում պատերազմների մէջ վարժ ու փորձ գերբնական ուժի տէր Դաւթից, Կոլր սէրը վառում է և՛ անմիտ գէիւն, և՛ զազան-հրէշին, և՛ աղնիւ դիւցազն Դաւթին, որ՝ իւր սիրունու աչքին նւաստ չ'երևալու համար՝ սպանում է ազգականին. և այս սպանութիւնը Դաւթի բնաւորութեան մէջ միակ խաւար գիծն է, որ զժաւար թէ քաւելի լինի սպանելուց չետոյ սպանողի, սրտի ցաւից, ուշաթափ լինելովր:

Մի չանցանքը ետեից քաշ է տալիս միւս չանցանքը. սէրը մի անգամ կուրացրեց Դաւթին, բալց սիրոյ գիրգ բազուկներում նա մոռանում է և իւր օրհասական երգումը, որ տւեց «Խաչ-պատարազիւնի» վերաջ մախանքի վրէժխնդրութեամբ լցւած Չմշկիկ-Սուլթանին. Ո՛ր դիւցազնի մահւան պատճառը սէրը, կինը չէ ևղել, որ Դաւթինն ևս կինը չը լինէր: Բալց մինչդեռ ուրիշ ազգերի դիւցազները, ինչպէս և մեր հէքիաթների մէջ շատ հերոսներ, ընկնում են խաբեբալ ու անհաւատարիմ կնոջ նենգութեամբ, մեր Դաւթին աւելի բաղդաւոր է իւր մահով: Դաւթի կինը հաւատարիմ էր. նա մինչև անգամ Դաւթի մահից չետոյ կսկծու թողն է խմում և մեռնում, կամ, ինչպէս հ. Սրուանձտեանի վաւրիանտում է, բերդի գլխից իրան ներքև է ձգում և մեռցնում. Դաւթին ընկնում է խանդոտ Չմշկիկ-Սուլթանի ձեռքով, որ ասում է իւր կոչս-դիւցազնական վիրաւորւած բոլոր հպարտութեամբ.

«Դաւթի, ինչո՞ւ, ես խօրօտ չէի,
Զի ուզեցին քե, տիւ ձի չը խաւար,
Վար ձի գնացիր, Խանդութ խաթուն բերիր:
Դէ ար՝ ես տիւ կուլւ անենք.
Նա էս քե տը սպանեմ,
Նա լէ, Խանդութ խաթուն լէ մնանք որբաւարի,
Նա տիւ ձի սպանես,
Նուր էրթաս, Խանդութ խաթնի ծոց պառկեսո:

Իսկապէս ասած, Դաւթին ընկնում է դիւցալին գերագոյն զօրութիւնը, և ոչ Չմշկիկ-Սուլթանը. որովհետև նա սիրոյ հնչտութիւնից արբեցած, մոռանում է իւր անդրդելի երդումը Խաչ-պատարազիւնի վերաջ, որ իրան միշտ պահապան և օգնական էր եղել, երբ որ ինքը ձշգուլթեամբ կատարում էր նորա արդարութիւնը. ժողովուրդը չէր ներիւ, որ, առանց աստուածապին զօրութեան մատին, Դաւթի պէս մի կատարեալ դիւցազն չաղթահարէր որ և է ուժից և կամ սպանէր Չմշկիկ-Սուլթանից: Ուսաց հսկաներն ևս աշխարհից վերանում են ոչ աստուոր, ալ մի երկնալին, գերբնական ուժի ձեռքով, որին պարծենկոտութեամբ կուլի են կանչում: Որպէս զի Դաւթի սպանէր, դորա համար հարկաւոր էր, որ

Նա ընկնէր ճախ Աստուծու աչքից. ալդ անել է տալիս նրան մի ազնիւ և սիրող կին, իսկ մի ուրիշ, սիրով կատաղած կին անազնիւ և ստոր գաղտագողութեամբ, սպանում է նրան: Սպանութեան ալդ գաղտագողութիւնն անգամ, երբ որ ժողովուրդն ասում է՝ «Դաւիթ սպանուաւ առանց կռիւ», ժողովրդի համար մի տեսակ ցաւ, բաց և մխիթարանք է, որ իւր սիրելի գիւցազինն դարձեալ չեն կարողացել սպանել ճակատ առ ճակատ կռելիս, ալ ետևից գողի նման են հարւած իջեցրել, և ալն կրակացրած խոփի նետով, և ալն ժամանակ, երբ որ դիւցազնը բոլորովին մերկ էր, չ'ունէր իւր դիւցազնութեան ոչ մի զէնք ու զարդը՝ Խաչ-պատարադին, գլխու-գօտին, կապէն-խաբուկին, քամարն ի մէջքին. նա նստած չէր Գոտկիկ-Ձալալինի վերայ, և նորա ձեռքին չը կար կաթակի թուրը, և ոչ իսկ լախտը, նետ ու աղեղը կամ վահանը: Յաւալի մահ, որով գրեթէ բոլոր դիւցազները վերջացնում են իրանց սխրագործական կեանքը:

Հ. Սրուանձտեանի վարիանտում Դաւիթի մահն ալսպէս անշուք չէ նկարագրւած. երբ որ Դաւիթը մերկ ժամանակ Աբամելիքի ցեղից Շըշըմ խանուսի աղջկալ նետով մահացու հարւած ստացաւ մէջքին, «Դաւիթ էլաւ կանաւ, ու բռնաց. որ բռնաց՝ ձէն (Խլաթալ) գնաց ի Սասուն», նման ֆրանկների դիւցազն Ռուանդի ձալնին, որ Պերինեան լեռներից անցնում է մինչև Մեծն Կարուխի բանակը. «Ձէնով-Յովան, Խոր-Գուսան, Քեռի-Թորոս, ձնճղափոքրիկ ու Յոան-Վէգին, (Սասնու դիւանական ճժերը) ժողովին զիրար: Ձէնով-Յովան լէ Սասնու բռնաց:—Ու էկան Դաւիթի հաւարին: Դաւիթ լէ ըդ ջրի մէջ գուր աղբօր ձէն լսեց»: Նրանք ման եկան, գտան Դաւիթին հարւածող «չինի աչքերով» աղջկան, հանեցին թաքնւած տեղից. «Բռնեց Դաւիթ՝ զոսք դրեց վըր մէկ տովուն, ու քաչեց ճըւտեց, թալեց սարու տրկու գեղ»: Դաւիթն, իւր վրէժը իւր ձեռքով լուծելուց չետոյ, չորս օրից մեռաւ: Սակալն դրանով միայն չէ վերջանում Դաւիթի մահւան վրէժխնդրութիւնը. Մհերը, իւր հօր մահը հօրեղբայրներից իմանալով, շատ լաց ու արտասուք թափեց, «հեծաւ դպապու (հօր) քուռակ, ու գնաց ի Խլաթ 1), քար ու քանդ էրեց: Հըմլալ կ'աւրէ... ու կ'ելնէ Նըմրութալ գլուխ, կ'իչկէ որ ծուխ կ'ելնէր. հաղմ լէ կը դառնէր: Տեսաւ որ պառուռկ մէր մանցի, գէն լէ բռնեց. զամէն մէկ ոտ կապեց մէկ ծառ, ու զծառեր թողեց. գէդ լէ հմալ սպանեց, Խլաթալ ծուխ ու մուխ կտրեց»:

1) Եթէ Զմշկիկ-Սուլթանը Զմշկածաղի, աէրը չէ, ինչպէս ենթադրել ենք, կարելի է կարծել, որ նա Խլաթայ աէրը պիտի լինէ. այն ժամանակ երկու վարիանտի պատմութիւնները կը նոյնանան և կը լրացնեն իրար. որովհետեւ Զմշկիկ-Սուլթանն և «չինի աչքերով» աղջիկը մի և նոյն անձը կը լինին, և խաթցիներն, իրանց տիրուհու առաջնորդութեամբ, Դաւիթի դէմ դուրս եկած կը լինին, և ոչ ասպատակաբար, ինչպէս Հ. Սրուանձտեանի վարիանտում է:

ԺԶ.

Մենք վերջացրինք Դաւթի դիւցազնական վէպն իւր գլխաւոր հերոսներով՝ Դաւիթ, Մարամելք, Խանդուկ խաթուն, Պարոն-Աստղիկ, փաշլեանները և Չմէկիկ-Սուլթան. բայց ալդ հերոսներից զատ կալ և մի անձնաւորութիւն, որին մոռացել ենք, և որը փոքր դեր չէ խաղում Դաւթի վէպի մէջ, Դաւթի մանկութիւնից մինչև մահը. նա Դաւթի հալրագիրն է, և ամեն մի գործողութեան մէջ Դաւթի հալրն է. Չէնով-Յովանի ուրիշ չատկութիւնների մասին խօսելը թողնելով, որովհետև մեր նպատակը չէ աղգակն վէպի դեղարւեստական քննութիւն գրել, մենք ուզում ենք մատնացոյց անել միայն նորա դիւցազնութեան վերաջ, Չէնով-Յովանը օժտւած չէ առանձին հերոսական ուժով, թէպէտև նա հասարակ մականացու էլ չէ, որովհետև ձեռքը դնում է կարմիր և Սպիտակ ձիերու մէջքին, ձիերն իրանց փորը խփում են գետնին, նա կարողանում է հրեղէն ձիու վերայ նստել,—բայց նա ունի դիւցազնական ձայն. «Հմալ ձէնով էր, որ եօթն գոմու կաշի կը թալէր արև չորցնէր, ու կը փաթտէր գինք, ու բռնէր, որ չ'եղնէր պատուէր»։ «Չէնով-Յովան կանչեց, ձէն ընկաւ սար ու ձոր»։ Նորա ձայնը Սասունց մինչև Խլաթ է հասնում, նորա ձայնը մըտնում է և գետնի տակ Մհերի «մաղաղէն»։ Դաւթի ձայնն ևս Խլաթից Սասուն հասաւ, բայց ալդ Դաւթի սեպհական չատկութիւնից չէր, ալ նորա օրհասական զրուկիւնից, որ իւր հսկալական ձայնին առանձին ոյժ էր տալիս։

Մեր հէթիաթների մէջ շատ սովորական երևութ է մի անձի մէջ ամփոփել որ և է չատկութեան ծալրալեղ կատարելութիւն միւս դիւցազնական չատկութիւնների բացակայութեան հետ։ Արդպիսի չատկութեան տէր անձերն են՝ լաւ լսողներ, որոնք ականջները դնում են գետնին և ամեն ինչ որ աշխարհիս վերայ կատարւում է, լսում են. սրինդ ածող հովիւներ, որոնց նազից լեռները, քարերն ու ծառերը և ամեն ինչ պար են բռնում. արագ վազողներ, որոնք մի ջաղացաքար մի ոտքին, մի ջաղացաքար միւս ոտքին կապած անգամ ալնպէս վազում են, որ ետևներից հասնել չի լինիլ. բացի դրանցից կան և ծով կուլ տուողներ, որոնք ծովի ջուրը կուլ տալուց լեռու բաց են թողնում և ջրհեղեղ անում. շատ ակերներ, որ ամեն ինչ ուտում են և դարձեալ ասում են թէ քաղցած մեռանք, և ուրիշ լաւ ու վատ ծալրալեղ չատկութիւնների տէր անձեր, որոնք իրանք մի նշանաւոր գործ չեն կատարում մնակ կամ իրանց անձի համար, ալ գրեթէ բոլորը լամբում են գլխաւոր հերոսի շուրջը, որ ունենում է անձնական քաջութիւն և իմաստութիւն։ Արդպիսի մի բարձր բռնալու չատկութիւն ունի և Չէնով-Յովանը, որ միանգամայն և խոհեմ նահապետ է իւր տան մէջ, ինչպէս և Շահնամէի մէջ Չենդը դուրս է գալիս իբրև ծալրալեղ սրատեսութեան ներկայացուցիչ, որի աշ-

քերը մութ խաւարի մէջ անգամ պարզ տեսնում են հեռաւոր առարկաները, և որ, միանգամ միայն մէկին տեսնելով, ալ ևս չէ մոռանում նորա կերպարանքը:—

ԺԷ.

Մհերը Դաւթից գիւցաղնութեան մէջ ոչ մի բանով պակաս չէ, մինչև անգամ աւելի է իւր բնական ուժով: Մհերը՝ դա մի մարմնացում է մարդկային չափազանց ուժ ու զօրութեան, սարսափելի մարմնացում թէ ուժի որակով և թէ քանակով: Նա դեռ չէր ծնւած, որ Դաւիթն ասում է խանդութ տիկնոջ. «Թէ որ ըդ տղէն ինձնից է, վրէժն նշան մի, զօրութիւն մի տ'եղնի»: և ինչպէս սպասելի չը լինէր, որ Մհերը մի արտակարգ նշան կամ զօրութիւն չ'ունենար, քանի որ նա Դաւիթ և խանդութ հսկաների սերունդն էր, քանի որ նա Դաւթի չամբուշ ժամանակի ծնունդն էր: Մհերը ծնւում է, և ծնւելուց անմիջապէս չետոյ լալտնի է լինում նորա հսկաութեան երկու կողմն ևս, անսահման ուժն ու ալդ ուժի դէպի չարն ունեցած ուղղութիւնը: Խանձարուրքի սովորական բինդի (կապ) տեղ նրան փաթաթած են գութանի շղթալով. բաց Մհերը «լերբոր լաց ու ճմլկտած մէջ ճղօրին, ըդուր վրաւու փաթուկ զընջիլ կտոր կտոր եղաւ»: Նա ծնւել է, բաց մի ձեռքը խփած է, և ոչ մի մարդ, մինչև անգամ մալը, չի կարողանում բաց անել. Դաւիթն է միայն զալիս և ձեռքը մաժում, բանում է, և ահա ինչ է տեսնում. «Տեսաւ որ գուլանթ մի արուն ուր ձեռվու մէջն էր», և բացականչում է հալը. «Հա՛, հա՛... դաշխարճ արեր է կաթ մի արուն, դրեր է ուր ձեռվու մէջ. Թ'որ ըդի մնաց, ըդուր մօտէն զարմանալի բան տ'եղնի»: Մհերի ամբողջ կեանքի ճիշդ բնաւորական նկարագիրը իւր հօր հէնց ալս մի քանի խօսքով արտայայտւում է: Մհերի չար և աւերիչ բնութեան արտայայտութիւնն է նորա ձեռքի մէջ ծնած մի կաթ արիւնը, ինչպէս և մի. և նոյն աւանդութիւնը, որ Լանկթամուրի համար ևս ասում է, մեկնում է և Լանկթամուրի ամբողջ կեանքը: Լանկթամուր և Մհեր, մէկը պատմական անձնաւորութիւն, միւսն առասպելական գիւցաղն. բաց որքան նմանութիւն նրանց երկուսի ձեռքի մէջ ծնած մի կաթիլ արեան մէջ և նրանց աւերիչ կեանքի մէջ:

Ռուստամի որդի Զոհրաբի համար գրում է Ֆիրդուսին. «Զարմանալի մանուկ էր Զոհրաբը. նա ծնւեցաւ ժպիտը բերնին. ոչ մի բանից երբէք լաց չէր լինում. աճում էր աչնպէս հրաշալի կերպով, որ մի ամսակա՛ն ժամանակ արդէն տարեկա՛ն էր ընդհանում. երեք տարեկա՛ն հասակում նա արդէն կտրճաբար արշաւում էր ձիով դաշտի վերալ. վեց տարեկա՛ն՝ նա հզօր էր ինչպէս առիւծ. իսկ երբ որ տասն երկու տարեկա՛ն դարձաւ, ոչ ոք ալ ևս չէր կարողանում նորա հետ մրցել. նա վիթխարի հասակով էր, արի և գեղեցիկ»: Նա իւր հետ կուռղին ոլորում էր

աղեղի պէս. առիժին սանձում էր աղէտի նման. կաղնի ծառն ու նոճին, երբ որ նա ճօճում էր, նորա ձեռքին կռանում էին ինչպէս հասարակ ճիւղեր. նա, իրան համար ձի ընտրելիս, որ ձիու վերայ որ ձեռքը զնում էր, միայն ձեռքի երկաթի ճնշումից ձին իսկույն գետնին էր կպչում (ինչպէս մեր վէպի մէջ Ձէնով-Յովանի ձեռքից)։ Այսպիսի էր մանուկ Զոհրաբը, որ անքան շուտ է մեծանում և իրանի վերայ կռիւ գնում, որ Ռուստամն անգամ, թէպէտե գիտէր, որ արծուի ձագն արծիւ պիտի լինի, կասկածում է, որ իւր որդին անգամ ալդպիսի փոքր հասակում ալդպէս զօրեղ չէր կարող լինել։—Տեսնենք ինչ է ասում մեր ազգային վէպը Դաւթի որդի Մհերի մանկութեան մասին.

«Ինչ ուրշի տղէք տարով կը մեծանին՝ Մհեր օրով,
 Ինչ ամսով՝ Մհեր սհաթով:
 Տարին որ լրացաւ,
 Մհեր էլաւ, դնաց մէջ քաղքին ման կը գար.
 Զբարդի ծառեր կը կոռէր,
 Քաղքի տղէք կը խեծուցէր,
 Կը շարէր վար բարդու ծառին,
 Մառու ծէր կը թորկէր (բաց կը թողնէր):
 Ինչ ծառը ծէր կը բարձրացնէր,
 Քաղքի տղէք, ամեն մէկ ճիժ,
 Մէկ մահլալ (թաղ) կը թէր (կը ձգէր)»:

Մհերն աւելի արագ է աճում, քան թէ Զոհրաբը. և նա մի տարեկան արդէն արտապտուտ է իւր բնատրութիւնն և ոլժը. Ի՞նչ է Մհերի՝ քաղաքի երեխաների գլխին խաղացածը, եթէ ոչ մի երեխական, բայց հսկական չարութիւն, որ մի առանձին դիտաւորեալ չարամիտ նպատակ չ'ունի. Բայց ինչ է և նորա կամրջի խաղը, որ ութ տարեկան հասակում խաղում է անճար մնացած սասունցիների գլխին.—գարձեալ մի անմիտ, բայց չար գործ, որ նա կատարում է ոչ թէ ցատկապէս քաղաքացիներին տանջելու նպատակով, այլ միայն նորա համար, որ ներքին ոլժը ստիպում էր նրան ալդ անել. նա մի ձևով պիտի դուրս թափէր իւր ներսում հաւաքած զօրութիւնը, որ նորա մէջ եռում էր, նրան տանջում էր, հանգիստ չէր տալիս, մինչև որ գուրս չէր ղեղւում. և Մհերն իւր ոլժը թափում է իւր քաղաքացիների գլխին, որովհետեւ թշնամիներ չը կան, որ նրանց հետ կռիւ. Դաւթն ևս մանկութեան ժամանակ զօրեղ էր, բայց նա Մհերի պէս չար գործեր չէր կատարում, որովհետեւ մեծ տարբերութիւն կալ երկուսի զօրութեան մէջ. մէկ էլ որ Դաւթը պարապ չէր մնում, իսկ Մհերը պարապ էր, առանձին գործ չ'ունէր. իսկ ալգ պարապութեան մէջ ներքին ոլժն ուտում էր Մհերին:

Մհերն ալդ ուժի բռնկոցից մինչև անգամ իւր հօր հետ կաշոււմ է, երբ որ սա նրան մի ապտակ է տալիս. և հալրը փորձով տեսնում է, որ իւր որդին, դեռ ևս փոքր, մինչդեռ ինքը թուխ մօրուս երկտասարդ էր, մարմնական զօրութեամբ հաւասարում է իրան, ինչպէս երկու սար զնան, դան, դիպչեն իրար, ալնպէս հալր ու որդի իրար են առել. փոշին ամպի պէս բարձրացել, նրանց բռնել է. նրանք արիւնի մէջ կարմրացել են, բայց դեռ չեն բաժանուում. հասարակ հողածինները վախենում են մօտենալ նրանց, որ ոտքերի տակ չ'ընկնեն, ի՞նչ անէ Խանդութ տիկինը. Մհերը նորա մալ-րական ձալնին չէ լսում. Դաւիթն էլ իւր անու է զարնում Մհերին. Վերջապէս բարերար Աստուածը լսում է մօր աղաչանքին, և նորա հրեշտակն իջնում, բաժանում է լեռնանման հսկաներին, ինչպէս երկու կռուող ալ-լորի. Հալրը սարսափում է ալդ անասելի ուժի վերայ և մտածում՝ եթէ Մհերն ալնպէս է, հապա նորա որդին ի՞նչ կը լինի, նա աշխարհս ան-շուշտ կ'աւերէ իւր ուժով. և ահա նա անիծում է իւր որդուն, որ նորա մօտից ժառանգ դուրս չ'ընկնի, բայց միանգամայն և մահ չը լինի նրան. Անէծքի այս երկրորդ մասն ինչու համար է.—միայն նորա համար, որ Դա-ւիթը գիտէր, որ իւր որդու. անչափ ուժը միայն ուրիշներին չէր տանջում, այլ աւելի ևս իրան՝ որդուն պիտի տանջէր. և թող չաւիտեան տանջւինա, որ իւր հօր հետ կռիւ արեց և նրան ամաչեցրեց ուրիշների առաջ. Բայց ար-դեօք Մհերն արժանի էր հօր սոսկալի անէծքին.—նա նույնքան մեղաւոր էր հօր առաջ, որքան մեղաւոր էր, որ նա ինքն անասելի ուժի տէր էր ծնել. նույնքան մեղաւոր էր իւր հօր հետ կռուելու համար, որքան հալրն ևս մեղաւոր էր, որ իւր կատաղի բարկութեան մէջ, որդուն ալնպէս չա-ւիտեակաւ տանջանքի անէծք է կարդում. որ բարի հալրը կ'անէ ալդ, ինչքան էլ որդին չար լինէր. Դաւիթն անում է, բայց ոչ թէ Դաւիթն է անում, այլ Դաւթի բարկութիւնն է անում, ինչպէս և ոչ թէ Մհերն էր անհնաղանդութեամբ կռուում, այլ Մհերի ուժը, որ լցւել էր և պէտք է իւր ամանից դուրս թափւէր:

Թէ Մհերը ճանաչում էր միանգամայն և հօր հալրական իշխանու-թիւնը, և հալրն էլ սիրում էր Մհերին և ալդ կռւի և անէծքի եղևրերդը միայն զայրույթի տակ էր կատարւել, և ոչ չար դիտաւորութեամբ,—այդ ե-րևում է ալն հոգեկան դրութիւնից, որի մէջ ընկնում է Մհերն անմիջա-պէս հօր մահից ըտուր Շատ անբնական է թւում, որ Մհերին, որին Դա-ւիթը չաղթել չէր կարողանում, և որ իւր հօրը չէր ականջ անում, Ձէ-նով-Յովանը ծեծէր և ասէր. «Մհեր, կոնդ ես, խեղ քեզ խէր կռիւ արիւր իլի, զնա մեր քաղքէն, մը դաճրի մեր քաղաք», և իւր ուժից դուրս բան չը ճանաչող Մհերը լսէր Ձէնով-Յովանին և Սասմալ քաղաքից դուրս ել-նել ուզէր. Այս կտորն աղճատւած համարել (ինչպէս առհասարակ աղ-ճատւած է Մհերի վէպի վերջին մասը) չենք կարող, որովհետև հետը կից է սորա շարունակութիւնը, որ ոտանաւորով է և որ մեծ վիպական հնու-

թիւն ունի իւր մէջ: Մհերը չէ հակառակում Ձէնով-Յովանին, որովհետև նա մի տեսակ խղճահար հոգեկան գրութեան մէջ է ընկած իւր հօր հետ կուսելուց չտույ: Բայց և այնպէս նա չէ կատարում Ձէնով-Յովանի խօսքը, մինչև որ չէ գնում ծնողների գերեզմանի վերայ: Նա այնտեղ ներողութիւն չէ հալցում հօրից, որովհետև ներողութեան գաղափարը նորա համար անհասկանալի է, ալ նա ծնողների գերեզմանի վերայ լալիս է և խորհուրդ է հարցնում իւր աքսորի մասին.

«Խէրիկ, վ'ի՛նչիս անեմ,
Ասօր ձի Սասմալ քաղաքէն
Բնհար ի խանած»:

«Ասածու հրամանքիւ ձէն ընկաւ խօր գերեզման, գերեզմանից ձէն էլաւ, ասաց.

«Որգի. վ'ի՛նչիս անեմ,
Գացիր մէջալն ի ձեռնէս,
Թափիր մաղերն երեսէս:
Գնա՛ Հալաբալ քաղաք,
Քեռ խաց թխուկ է,
Քեռ կերակուր կփուկ է»:

Սուք իմաստով և գրեթէ սուք ձեռնով պատասխանում է և մայրը, միայն կանացի բնութեան չափով եղանակով: Հայրը թողութիւն չէ տալիս որդուն, բաց ալս խօսքերով թէ՛ որդի, հապա մս ինչ անեմ, կարողութիւնը ձեռքիցս գնացել է, ուզում է ասել որ՝ եթէ իշխանութիւնն իմ ձեռքիս լինէր, քեզ չէին կարող տարագրել Սասմալ քաղաքից.— ալդ ցոյց է տալիս, որ հայրը դեռ սիրում էր իւր անիծեալ որդուն: Իսկ՝ զնա Հալաբալ քաղաք ասելը, որ և մայրն է կրկնում, զա մի ճակատագրած իրողութիւն էր, որ ծնողներն, իբրև հանդերձեալ աշխարհի բնակիչ, չարտնում են իրանց որդուն, որ պիտի կատարէր: Մհերը հնազանդում է իւր ճակատագրին, և, Աստուծուն աղօթելուց չտույ, ճանապարհ է ընկնում դէպի Հալաբ, առանց ճանապարհը ճանաչելու: Մհերը գնում է. նա իւր հետ տանում է միայն իւր անչափ զօրութիւնը. նա զէնք չ'ունի, ձի չ'ունի, մենակ է: Թէպէտև Մհերի վէպի միացած մասը խառն և անորոշ է և թերատ, բայց դարձեալ պարզ կերպով երևում է Մհերն իւր ուժով և անիծեալ դրութեամբ ամբողջապէս: Ճանապարհին նա հանդիպում է Գոհար խաթունի մօրը, որ այնպէս է նկարագրւած, ինչպէս հէքիաթներում նկարագրւում են դե-պառաւները. Մհերն ևս նորա հետ այնպէս է վարւում, ինչպէս հեթանոսների մէջ հերոսները վարւում են դե-պառաւների հետ, և պառաւը խոստանում է Մհերին տալ իւր աղջիկը, որ նույնպէս մի կտրուճուհի է: Մհերն և Գոհարը կոտորում են Հալաբալ թագաւորի բոլոր ժողովրդին և ամուսնանում են:

Քառասուն տարի Մհերն ապրում է Գոհար խաթունի հետ, և կատարում է հօր անէծքը. նրանք անորդի են մնում. մեռնում է Գոհարը, և Մհերն ելնում է աշխարհիս վերալ աստանդական շրջելու իւր հօր անէծքի բոլոր ծանրութեան տակ. նա ոչ մի նպատակ չ'ունի, որին ձգտէր, նա թափառում է իբրև որսորդ, Բալց ինչ է ալժամ Մհերն իւր չիսնամնալ հասկում, ալսինքն ալն ժամանակ, երբ որ մարդս իւր հոգեկան և մարմնական կատարեալ զարգացման մէջ է լինում.— ուրիշ ոչինչ, բալց եթէ ոչժ, ամբողջապէս ուժ, ալնպիսի ուժ, որ նուն իսկ իւր տակին ճնշում է և իրան դիւցազներն: Նա իւր ալս ուժի ձեռքին ոչ թէ հսկալ է, ալ մի թուլ տարած, որին ամեն հեշտ միջոցով կարելի է լազթանարել.

«Մհեր ելաւ, կ'ուզէր որ գնայ,
Որ զոտքեր կը թլէր՝ կ'երթէր մընչ խողուն.
Խող չէւջն թուլացիր էր,
Չէր դադրի չէւջն Մհերին»:

Նա ձի է նստում և ձիով է ուլում փալնանութիւն անել.

«Ձին խեծաւ, քից մընչ դաշտին,
Գետին չէւջն թուլացիր էր,
Ձին կը խրուէր մընչ խողին,
Խող չէր դադրի չէւջն Մհերին»:

Ի՞նչ անէ Մհերը. նա խաղալիք է իւր չափազանց ուժի ձեռքին. մալր հողը նորա ոտքերի տակ թուլացել է, աշխարհքը նրան չէ վերցնում, որովհետև ինքն ալս աշխարհի զաւակ չէ ալ ևս. բալց նրան մահ էլ չը կալ. ուրեմն հսկան լաւիտեան պիտի տանջւի և իւր ուժի համար հէնց ծաղր ու ծանակ պիտի լինի հասարակ որսորդների և փալնանների ձեռքին: Նա ալժամ շատ լաւ հասկանում է թէ ինչ բան է հալրական անէծքը, որ նրան անմահացրեց իւր ուժի տանջանքով: Նա գերագուն զօրութեան է գիմում, որ իրան մի ճար անէ, աշխարհքից վերցնի. «Ո՛վ Տէր Աստուած, իմ խօր անէծք ձի խասիր ի... զՔեզ եմ կանչեր, Տիւ ընցկուն էնես, ձի ձգես վանալ քար...» Բալց ալս գերագուն զօրութիւնը, որ Դաւթի ամեն մի խնդիրքն իսկուն լսում և կատարում էր, խուլ էր Մհերի ձալնին, երբ որ նա դէպի Հալաբալ քաղաքը գնալիս գիմում էր նրան ճանապարհի համար, խուլ է և ալժամ, երբ որ նա դիմում է նրան, որ աշխարհքից վերցնի իրան: Նա քսան տարի Խլաթալ ալրի տակ աղօթք է անում ալս մի բանի համար միալն, և հաղիւ թէ «Աստուած հրամանք էրաւ, զէնիկ մարմնաւոր եթալ վանալ քար», ուր պիտի լաւիտեան մնալ կենդանի:

Մհերի պէս ալսպիսի սարսափելի ուժի տէր դիւցազներ զուրա են գալիս և ուրիշ աղգերի վէպերի մէջ. պարսից Ռուստամը քսան փղի չափ ուժ ունէր, բալց և Ռուստամն իւր ուժով բաղաւոր էր, ալն ինչ Մհերն

անբաղդ է, որովհետև Ռուստամը ղևերի հետ լարաբերութիւն ունէր, և ղևերից մէկը, մի լեռան ոգի, քաջը, նորա ուժի մի մասը վերցրել էր նրանից, որ չը վնասէր նրան: «Ռուստամն անպիսի անչափ ուժ ունէր, որ ոչ միայն թշնամիներին, այլ և իրան էր վնաս. նրան երկիրը չէր վերցնում իւր վերալ. երբ որ նա ման էր դալիս քարքարոտ առապարով, նորա ոտքերի խոր հետքերը մնում էին քարերի վերալ, ինչպէս աւաղի վերալ. ամեն մի քալափոխի նորա ոտքերը թաղւում էին դետնի մէջ և ինչպէս երկաթի արօր վարում էին հողը»: Ռուստամն այսպէս դժարութեամբ մի անգամ անցնում էր ձորի միջով, որ լեռան քաջը խղճաց նորա վերալ և նորա ուժի աւելցուկն առաւ իւր մօտ պահեց, որ ծերութեան ժամանակ, երբ որ Ռուստամն ուժից պիտի ընկնէր, նրան վերադարձնէր:

Իսկ մեր Մհերին լեռան քաջքերը չեն օգնում, ուժի մի մասը վերցնելով նրանից, որովհետև նա հայրական անէծքի տակ էր. բայց և անպէս նրան օգնում է դարձեալ լեռը, Վանալ քարը, Տոսպան բլուրը, որ վերցնում է նրան, այն ինչ աշխարհը չէր կարողանում վերցնել, նման Ռուսաց վէպի մէջ դուրս եկած մի վիթխարի հսկային (BOGOC), որին երկիրը չէ վերցնում, և որ պառկած է սարի վերալ: Ռուսաց վէպի մէջ Սվետոգօր հսկան ևս ապրում է լեռներում. նրան նույնպէս երկիրը դժարութեամբ է կրում: Սվետոգօրն ուղում է երկրի ծանրութիւնը բարձրացնել, բայց ինչքան բարձրացնում է, անքան աւելի նորա ոտները խրում են գետնի մէջ:

Մհերը ներկայանում է Ռուստամին և Սվետոգօրին համապատասխան մի հսկալ, որոնք սկզբնական ժամանակի, մանաւանդ Սվետոգօրը, երկրիս տարերակն ուժը պատկերացնող հսկաներ են; ժամանակով աւելի առաջ, քան թէ մարդանման հսկաները: Մհերի աւագ լինելը, մինչև անգամ Դաւթից, երևում է ոչ միայն նորա ուժից, այլ և հէնց նրանից, որ նա, ինչպէս լեռան ղևերը—քաջքերը, բնութեան տարերակն ուժերը, ապրում է ալրերի մէջ, և ինչպէս բնութեան ուժերն անմահ են, անպէս և Մհերը չէ մեռել: Բայց որ գլխաւոր նշանն է նորա աւագութեան, այն է, որ, նախնական բիրտ ժամանակների արիւնածարաւ բնադդումներին հակառակ, մարդանման, այսինքն ժամանակով կրտսեր դիցադները սիրով չեն արիւն թափում թշնամիների հետ ունեցած կռիւ մէջ, ցաւում են մարդկանց համար և մինչև անգամ կարեկցում են իրանց երդւեալ թշնամիներին, ինչպէս մեր վէպի մէջ Դաւիթն է դուրս գալիս,— իսկ նախկին, աւելի հին չրջանի տիտանները, որ արդէն ապրել են իրանց դարը, այդպէս չեն. նրանք հոգում են միայն իրանց համար և լալիս են իրանց կործանած զօրութիւնը և ձեռքից եկած ամեն մի չարիք հասցնում են ամենքին, թէ թշնամիներին և թէ ոչ թշնամիներին: Այդպէս են վարւում մեր վէպի մէջ Սարամելիքն և Մհերը:

Մհերի վէպի վերալ խօսելով, չի կարելի չը փնել Պոօլ թագաւորի

և Արտաւազդի լաւտնի վէպերը, որոնց հետ Մհերի վէպը նմանութիւն ունի: Առհասարակ մեր ժողովրդական վէպերի մէջ փշատակուում է, որ մէկ զօրաւոր մարդ պէտք է դուրս գայ, կամ ծնւի մի օր: Պեօշի վէպի մէջ ասւած է—երբ որ Խազըլուայ լճի ջուրը, որի մէջ ձգւած է Պեօշի Հաւուհի թուրը, ցամաքի, ալդ թուրը բռնող մի զօրաւոր ձեռք պէտք է աշխարհ գայ, իսկ թէ ալդ մարդը Հաւուհի թրով ինչ պիտի անէ,—ալդ Աստուծու գիտնալիքն է (Համով-Հոտով, 76 եր.): Մհերի վէպն աւելի ևս նման է Արտաւազդի վէպին: Մհերն իւր անհանգիստ և չար բնաւորութեամբ և անիծեալ դրութեամբ նման է հայրական անէծքի տակ ճնշւած Արտաւազդին, որ փակւած է Մասսայ վհի մէջ, ինչպէս Մհերը Վանայ քարի մէջ: Երկուսի վէպի մէջ ևս դուրս է գալիս մեր հեթանոսական մի հաւատալիքը, որով մեռելների ուրականները հանգերձեալ աշխարհից խօսում են. Արտաւազդի հայր Արտաշէս արքան թաղման ժամանակ գերեզմանի միջից անիծում է իւր որդուն և նորա ապագան գուշակում, իսկ Մհերն իւր ծնողների գերեզմանի վերայ լալիս է և խօսում ծնողների հետ, որոնք լալանում են նրան իւր ապագան:

Արտաւազդը Մհերի պէս փակւած է ալրում մինչև աշխարհի վերջը, երբ որ պիտի դուրս գայ և կատարած դէի աշխարհին. բայց աշխարհը վերջ չ'ունի, և Արտաւազդը չաւիտեան փակւած է. իսկ Մհերը՝ «Մհեր, դու չե՞ր տ'ելնես ըդ տեղէն» նախորդի հարցմունքին պատասխանում է.— «Յեր որ ցորեն եղաւ քրնց ալում, ու գարին եղաւ քրնց մասուր մի. հրպամ՝ լէ հրամանք կալ, որ էլնանք իգա տեղէն»: Ինչ է Մհերի ալս պատասխանը. ցորենը երբ կը լինի ալումի չափ, իսկ գարին մասուրի չափ, որ նա դուրս գայ: Ուրեմն նա չաւիտեան պիտի փակւած մնայ, չ'ելնի աշխարհ, որ նորա աշխարհը չէ, որովհետև նորա առաջ չէ կարողանում դիմանալ, որովհետև շատ մանրացած է, իսկ ինքը, Մհերը շատ խոշոր հսկայ է, որի ժամանակն անցել է: Մհերի ալս խօսքը մի դառն ծիծաղ չէ արդեօք երկրագործութեան վերայ, որով նա ուզում է ասել թէ որովհետև մարդիկ չնչին երկրագործութեամբ սկսեցին պարապել, իսկ ես, որ երկրագործութեան ժամանակի ծնունդ չեմ, քանի ալդ երկրագործութիւնը կայ, աշխարհ չեմ ելնիլ: Եւ իրաւ, Մհերը գործ ունի միշտ պարզամիտ հովիւների և վալրագ որսորդների հետ. նրան տեսել են միալն նախորդն ու հորթի ետևից գնացող հարսը. Մհերը բռնի ուժի տիրապետութեան դարում է ծնւած, նա աշխարհը զօրով, ուժով ուտել գիտէ միալն, և ոչ թէ խելքով, ինչպէս ուտում են երկրագործ մարդիկը, և խելքով աշխարհ ուտելը նորա համար անհասկանալի է, ինչպէս որ անհասկանելի էր խելքով իւր հսկալական ձիու հսկալական տոպրակը ձիու գլուխը տալը:—

ԺԸ.

Ազգային վէպից մնաց մեզ վիշել վէպի վերջաբանը. «Ամեն խամբարձման գիշեր Մհերի քարի տիւռ կը բացուի. մարդ չի տեսնէ, հրամանք չը կալ մարդ տեսնալ»,— Ի՞նչ է ալդ համբարձման գիշերը, նոյնպէս և «շուր Գրիստոս գալ դատաստան» խօսքերը, եթէ ոչ հեթանոսական գաղափարներ, որոնք չախտուում են քրիստոնէական անուան տակ և ամենևին չեն յարմարուում Մհերի վէպին: Գրիստոսի դատաստան դալու չախտեանականութիւնը հ. Սրուանձտեանի վարիանտում արդէն ունի իւր հեթանոսական պատշաճաւոր ձևը, որ վերևում դրեցինք. իսկ համբարձման տօնը, արդէն չախտի է, մեր խորին հեթանոսական տօներից մէկն է, քրիստոնէականի վերածւած: Այդ տօնի հեթանոսական անունը չալանի չէ, բայց մինչև ալժամ կենդանի մնացած աւանդութիւններից և ծէսերից երևում է, որ դա բաղդի, բաշխքի, ճակատագրի, վիճակի, հրամանքի աստուածութիւնների տօնը պիտի լինէր հեթանոսութեան ժամանակ, ինչպէս և բուլոր բնութեան՝ բոլսերի և ջրերի տօնը, որ կոչուում է մինչև ալժամ ծաղկամօր տօն, և ամենատարածւած ազգային տօներից մէկը պիտի լինէր, որ մինչև ալժամ տարածւած և սիրելի է: Համբարձման և վարդապետի տօները կապւած են իրար հետ. վիճակը շատ տեղ վարդապետին են բաց անում, մանաւանդ լեռնային տեղերում: Եթէ համբարձման տօնին չի չաջողում աղջիկներին վիճակ բանալ, նրանք բանում են վարդապետին, որ դարձեալ հեթանոսական տօն է: Այդ օրն ալժամ ևս ամեն մարդ իւր վիճակն է բանում մեծ հանգէսներով և մեծ երգերով. ամեն մարդ իւր բաղդի համար մի բան է ձգում մի ամանի մէջ, որ կոչուում է «Հաւգիր», մի բառ, որ իւր կազմութեան մէջ ունի հաւահմացութեան արմատը: Հաւգիրը, որ դարդարւած է լինում ծաղիկներով, աւելի հօրոտ ու մօրոտ ծաղիկներով, և միջին ունենում է եօթն աղբիւրից վերցրած ջուր, գիշերը դնում են բացօդակ տեղում, աստղերի ներգործութեան ներքոյ, աստղերի, որոնք այնքան մեծ դեր են խաղում մեր ժողովրդի հաւատալիքների մէջ, և որոնք նոյն իսկ մեր վէպի մէջ երևում են՝ «Սասմաչ և Մարաչ աստղերը», որոնցով Զէնով Զովանը գուշակում է Դաւթի վատ դրութիւնը: Համբարձման գիշերը մի որոշեալ ժամում ամբողջ բնութիւնը, և՛ ջուր, և՛ սար, և՛ ծառ, և՛ երկինք գետինք սկսում են շարժել և իրար վերալ խոնարհելով, իրար ողջուն տալ, սարը՝ սարին, ծառը՝ ծառին, երկինքը՝ գետնին: Ահա ալդ վայրկեանին է աստղերի ներգործութիւնն անցնում վիճակի Հաւգիրի վերալ. ահա ալդ ըսպէին բացւում է և Մհերի ալբի դուռը, բայց «հրամանք չը կալ, որ ելնալ» նա ալբից. նորա բաղդը, նորա ճակատագիրը մի անգամ արդէն որոշւած է, որ նա չախտեան փակւած պիտի մնալ Տոսպան բլրի մէջ:

Ամփոփենք մեր գրութիւնը: Աբամելիքի, Դաւթի և Մհերի «Ազգային վէպն» ներկայանում է իբրև կէս-պատմական և կէս-ղիւցազնական հին վէպ, որի սկիզբը նախապատմական ժամանակներում է, իսկ վերջը միջին դարերում: Նոր դարերի պատմական կեանքը գրեթէ ամենին չէ երևում: Անաքթոնիզմները, հարկաւ, անխուսափելի են: Վէպի մէջ դուրս է գալիս հեթանոսական կրօնը, խառն քրիստոնէականի հետ. բայց եթէ լաւ նայենք, կը տեսնենք, որ այդ քրիստոնէական տարրը շատ անգամ անուշով է միայն քրիստոնէական, և եթէ նոր վարիանտներ ձեռք բերին, թերևս շատ քրիստոնէական բան հեթանոսական ձևով պատմած լինին, քանի որ երկու վարիանտներն այդ կողմից մէկ մէկու լրացնում են: Վէպը դիւցազներգութիւն է, հին դիւցազներգութիւն, որ, իւր իսկատիպ առանձնութիւններով հանդերձ, հարկաւ, նմանութիւն ունի ուրիշ ազգերի դիւցազներգութիւններին:

Այդ վէպը ժողովրդի համար մի սոսկ հէքիաթ չէ, որին ժողովուրդը չէ հաւատում թէ մի ժամանակ կատարւել է. դա՛ ժողովրդի համար մի պատմութիւն է, որին, չը նայելով որ շատ աւելի գերբնական հրաշալիքներով է լցւած քան թէ հէքիաթները, ժողովուրդը հաւատ է ընծալում թէ մի ժամանակ կատարւած է իսկութեամբ: Ժողովրդի հաւատքը շատ տեղ երևում է վէպի ընթացքից. ամեն մի գերբնական գործ կատարում է «Աստուծու հրամանքի», իսկ այդ աստուածը, որ հնումը հեթանոսական որ և է աստուած է եղել, ներկայումս քրիստոնէական ճշմարիտ Աստուածն է, ուրեմն կարող է և հրաշքներ գործել: Դաւթն ինչ որ ուզում է, Աստուած կատարում է, որովհետև, ժողովրդի բացատրութեամբ հէնց, «էն ժամանակ արգար մարդ ին, ինչ մրազ էնին՝ Աստուած կը կատարէր»: Ժողովուրդը հաւատում է, որ մինչև այժմ էլ Մհերը Վանաչ ալրում փակւած է, և թէ ամեն համբարձման գիշեր ալրի դուռը բացւում է. նա մինչև այժմ էլ ցոյց է տալիս Դաւթի ս. նշանը, «ու հմկալ լէ ըն սուրբ նշան՝ հանդ է ի գաւառ՝ Զօրկալ տուն»: մինչև այժմ էլ ցոյց են տալիս Խանգութ տիկնոջ գլխի տեղը, երբ որ նա իրան բերդի գլխից վար ձգեց. «ուր գլուխ ծակեց զքար. ու գլխու տեղ՝ Սասնու կէս շնիկ կորեկ կըլլին քինք ու ծեծեն, սանդի տեղ: Ուր եօթ ճիւղ ծամի տեղ լէ՝ հմկալ կ'երևալ ու մկալ լէ ըդ սանդ քանդ է բերդի առէջ»: Ուրիշ ցուցմունքների վերաջ, որ թողնում ենք, այս էլ ասենք, որ պատմող մոկացի Նահապետը (նորա հետ անշուշտ և իւր հալոբնակիցները) կատարելապէս հաւատում էր իւր պատմած վէպին, իբրև ստուգապատում իրողութեան, և աւելացնում էր, չդուց հանելով. «Այժմ էլ Սասմալ քաղաք շատ կտրիճ փէհլուան կալ»:—